

(<https://news.usm.my>)

Berita Mutakhir ▾

# 19 MAR SEBUAH PENGKISAHAN SENI MEMPERTAHANKAN DIRI KAUM CINA



USM, PULAU PINANG, 18 Mac 2017 - Sebuah pengkisahan seni mempertahankan diri masyarakat Cina dipersembahkan di Malam Kung Fu kali ke-40 oleh ahli Kelab Kung Fu (KKF) Universiti Sains Malaysia (USM) hari ini.

Program telah dirasmikan oleh Penasihat KKF USM yang juga saintis dari Pusat Pengajian Sains Farmasi USM, Profesor Dr. Yuen Kah Hay.



"Saya juga ingin mengucapkan terima kasih kepada semua pihak yang membantu dalam menjayakan Malam Kung Fu ke-40 termasuk USM, badan kerajaan dan korporat serta seluruh komuniti," kata Yuen.

"Kerjasama yang diberikan oleh semua pihak ini adalah bagi memastikan kesinambungan seni budaya mempertahankan diri tradisional ini," tambahnya.



Bagi Pengarah Projek, Quick Yee Chyin, kerjasama antara lebih 400 orang peserta ahli kelab dan juga ahli jawatankuasa Malam Kung Fu ini adalah sangat luar biasa bagi memastikan seluruh program berjalan lancar.

"Setinggi penghargaan juga kepada semua jurulatih dan mahaguru yang memberikan tunjuk ajar secara sukarela dan sangat komited," tambah Quick.

Antara persembahan yang mendapat tepukan gemuruh penonton adalah persembahan Shaolin bertajuk Fearless Soul yang menampilkan satu-satunya wanita bertudung iaitu saudari Nurafiqah Hamzah, 23.



Malam Kung Fu kali ini bertemakan Timeline yang telah membawakan penonton kisah dan sejarah lima jenis seni mempertahankan diri sejak empat dekad lalu termasuk Shaolin, Wushu, Tiajin, Drum dan Dragon & Lion.

Lebih 1,200 orang penonton membanjiri Dewan Tuanku Syed Putra bagi menyaksikan keunikan persembahan yang disajikan.

Teks: Nor Rafizah Md. Zain

G+

Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

Client Feedback / Comments (<http://web.usm.my/smbp/maklumbalas.asp>). | USM News Portal. Hakcipta Terpelihara USM 2015